

龍 年 談 龍

黃 啓 瑞

前 言

兔脫去，龍降臨。去年一隻大兔，瞬息之間，逃脫無踪，中南半島，因此變色，今年兔去龍來。龍為瑞獸，鱗蟲之長，有神龍之稱。盼望今年來者非獍狴兇猛之恐龍而是王母所駕九色之斑龍。隨帶景雲慈雨，遍霑萬物，使世界經濟復蘇，萬民安樂。龍帶瑞雲天際現，雨露均霑景物新，是世界人類一致的願望。自由中國同胞，必須憑自己的力量，發揮龍騰虎躍精神，克服一切困難，創造更好的一年。

龍之為物

龍之為物，於今之世，未曾現形，無有目睹之者。袁世凱稱帝時，雖曾自稱見龍出現，因無遺留記錄，龍之形態，無從捉摸，唯有依據古典，略加說明而已。

龍由立、月、鬣三部而成，月者肉，鬣者肉飛之形，立者童字省聲。

龍為四靈（麟鳳龜龍）之一，想像上之獸，被鱗帶角，具銳爪，幽明變化莫測。

古書曰，鱗蟲之精者曰龍，以龍致雨，龍水物也。小曰蛟，大曰龍，有角曰龍，無角曰虬。龍與水有不可分離之關係。所以說「積土成

山，風雨興焉，積水成川，蛟龍生焉（孫卿子）。又云「山致其高而雲雨起焉，水致其深而蛟龍生焉」（山海經）。

虎在山，龍在水，方得其所，否則「神龍失水而陸居為蠹蟻之所裁」（楚辭）。

韓非子（難勢）亦說「慎北曰，飛龍乘雲，騰蛇遊霧，雲罷霧霽而龍蛇與蟻蝮同矣」。

也有說「蛟龍水蟲之神者也，乘水則神立，失水則神廢」（管子）。

龍之形態

龍是想像上的動物，在圖畫上所看之龍，有角，有鱗，有鬚，而足有五爪之長形動物。俗語曰「龍者，牛頭、鹿角、蛇身、魚鱗、蝦目、雞脚爪」。又據「爾雅翼」說明，龍有九似，曰，「角似鹿，頭似駝，眼似鬼，項似蛇，腰似蜃，鱗似鯉，爪似鷹，掌似虎，耳似牛」。此外喉下尚有逆鱗。韓非子曰：「天龍之為蟲，有狎而騎也，然喉下有逆鱗，徑尺，若嬰之則殺人，人主亦有之，說者能無嬰人主之逆鱗則幾矣」。

又有說明曰：「鱗蟲三百六十而龍為之長，龍能幽能明，能小能大，能短能長，春分而登天，秋分而入淵」（說文）。又說：「龍被五色而遊，故神，欲小則如蠶蠋，欲大則函天地，欲上則

陵雲，欲沉則伏泉」（管子）。龍之神通有如此之大，所以宋玉曾對楚王說「神龍朝發崑崙之墟，暮宿於孟諸，超騰雲漢之表，婉轉四瀆之裏，夫尺澤之鯢，豈能料江海之大哉」。

龍之種類

河圖曰：「黃金千歲生黃龍，青金千歲生青龍，赤金千歲生赤龍，白金千歲生白龍，玄金千歲生玄龍」。其中「黃龍者神之精，四龍之長也」（孫氏瑞應圖）。又說「黃帝得土德、黃龍見，夏得木德、青龍止於郊」（史記）。由此可知龍之種類有五，由其體色而分。也有以其外形之不可而分者，博雅曰「有鱗者謂蛟龍，有翼者謂應龍，有角者謂蚪龍，無角者謂螭龍」。此外尚有「蛟千年而化為龍，龍五百年而化為角龍，千年而化為應龍」（述異記）。

龍之居所

龍與水之關係已如前述，其居所必定有水。括地圖說：「龍池之山，四方高，中央有池，方七百里，羣龍居之，多花樹，羣龍食之，去會稽四千里」。任昉述異記又云：「西方不可依山，甚寒，冬夏積雪，山中有池，毒龍居之。昔五百商人，止宿池側，值龍忿，汎殺商人，樂施王聞

之，捨位與子，向烏塌國學婆羅門呪，四年之中，善得其術，還復王位，就池呪龍，龍變為人，悔過向王，王乃捨之」。

龍是帝王之象徵：如龍顏、龍駕、龍體、龍牀、龍扇、龍袍、龍恩、龍安、龍德、龍車。

龍會在何時出現

龍之出現謂龍見，概與帝王有關。

①史記封禪書曰：「有龍垂胡髯，下迎黃帝，黃帝上騎，羣臣後宮從上者七十餘人，龍乃上去，餘小臣不得上，乃悉持龍髯，龍髯拔墜，墜黃帝之弓，百姓仰望，黃帝既上天，乃抱其弓與胡髯號。故後世因名其處曰鼎湖，其弓曰烏號」。


②淮南子，精神訓云：「禹南看，方濟于江，黃龍負舟，舟中之人，五色無主。禹乃熙笑而

稱曰，我受命于天，竭力而勞萬民，生寄也，死歸也，何足滑和。視龍猶蟻蚋，顏色不變，龍乃弭耳掉尾而逃」。

③陳書曰：「宣帝初在江陵，軍主李總與帝有舊，每同遊處，帝嘗夜被酒張燈而寐，總適出，尋反見帝是大龍，便驚走他室」。

④沈氏宋書曰：「劉穆之字道和，嘗夢與高祖泛海，忽值大風，驚懼俯視船下，見有二白龍挾船，既而至一山，峯嶸聳秀，林樹繁密，意甚悅之」。

⑤普書曰：「符生初夢大魚食蒲。」又長安謠曰：「東海大魚化作龍，男便為王女為公，問在何所洛城東。時符堅為龍驤將軍，第在洛門之東，其後果驗」



本文作者臺灣新生報暨臺灣新聞報董事長黃啓瑞先生，黃先生對國學及佛學造詣極深，為國內著名之學者。

⑥崔鴻十六國春秋前燕錄曰：「慕容晃十二年夏四月，黑龍一、白龍一、晃親率羣僚觀龍，二百餘步祭之以太牢，二龍交首嬉翔，解角而去，晃大悅，還宮赦其境內，號新宮曰和龍宮」。

⑦史記曰：「劉媪嘗息大澤之陂，夢與神遇，是時雷電冥晦，大公往視，則見蛟龍於其上，已而有身，遂產高祖」。

⑧後漢書曰：「哀牢夷其先有婦人捕魚水中，觸沉木有孕，生男子十人

，沉木化為龍出水上，九男驚走，一兒不去背，龍因舐之，後諸兒推為哀牢主」。

龍之出現與吉凶

龍之出現有吉有凶，吉者居多。

①吉兆

晉書曰：「馮跋弟素弗與從兄萬泥及諸少年遊于水濱，有一金龍浮水而下，素弗謂萬泥曰，頗有見不，萬泥等皆曰無所見也，乃取龍而示之，咸以為非常之瑞」。

晉書曰：「呂光伐龜茲，軍其城南營外，夜有一黑物，大如斷堤，搖動有頭角，目光若電，及明，而雲霧四週，遂不復見，且視其處，南北五里，東西三十餘步，鱗甲隱地之所，昭然猶在。光嘆曰，黑龍也。俄而雲起西北，暴風滅其跡。杜進言於光曰，龍者獸之君，大人利見之象，易曰龍在田，德施普也，斯誠明將軍道合靈和，德符幽契，願將軍勉之以成大慶，光有喜色」。

②凶兆

晉書曰：「劉毅為尚書左僕射時，龍見武庫井中，帝親觀之，有喜也，百官將賀，毅獨曰，昔龍降鄭時門之外，子產不賀，龍降夏庭（桀王時）沫流不禁，卜藏其嬖，至周幽王，禍釁乃發，證據舊典，無賀龍之禮」。

後魏書曰：「正元元年，有黑龍如狗，南走宣陽門，躍穿門樓下而出，此魏衰之徵也」。

宋書曰：「徐羨之嘗從兄履之為臨海樂安縣，嘗行徑山中，見黑龍長丈餘，頭有角，前足皆具，無後足，曳尾而行，後文帝立，羨之竟凶終」。

龍之故事

①龍與粽

「蛟龍長練樹葉，五色絲」（齊諧記）

「屈原五月五日投汨羅而死，楚人哀之，每至此日，以竹筒貯粉米祭之。漢武建中，長沙區回，白日忽見一士人，自稱三閭大夫，謂曰：聞君常見祭，甚善，但常年所遺，為蛟龍所竊，若今有惠，可以練葉塞其上，五色絲縛之，此二物是蛟龍所憚」（續齊諧記）。

②龍與雨（祈雨）

「石虎時，自正有不雨至六月，佛圖澄詣隘口祠，稽首曝露，即日二龍降於祠下，於是雨遍千里」（鄜善長水經注，佛圖澄別傳）。

「石勒時，天旱，沙門佛圖澄，於石井崗，掘得死龍長尺餘，漬之以水，良久乃蘇，呪而祭之，龍騰空而上天，即雨降，因名龍崗」（出處同前）。

引龍為訓

①山海經曰：「君子之居民上，若以腐索御奔馬，若展足薄冰，蛟在其下」。

②淮南子曰：「人莫欲學御龍而皆欲學御馬，莫欲學治鬼而皆欲學治人，急所用也」。

③說苑曰：「吳王欲從民飲酒，伍子胥諫曰：不可，昔白龍下清冷之淵，化為魚，漁豫且射中其目，白龍上訴天帝，天帝曰，當是之時，若安置而形，白龍對曰，我下清冷之淵，化為魚，天帝曰，魚固人之所射也，若罪豫且何罪，夫白龍天帝貴畜也，豫且宋國之賤民也，白龍不化，

豫且不射，今棄萬乘之位而從布衣之士飲酒，臣恐有豫且之患矣，王乃止」。

成語故事

①龍瞳鳳頸

袁天綱，成都人，武后之幼，姆抱以見，給以男，天綱視其步與目，驚曰：龍瞳鳳頸，極貴驗也，若為女，當作天子（唐書，方伎傳）。

②風從虎，雲從龍

虎嘯而谷風生，龍舉而景雲屬（淮南子）

③屠龍

莊子曰：朱泚漫學屠龍於支離，益殫千金之家，三年伎成而無所用其巧也（莊子）。

④龍金

商人救一龍，化為龍女，即與八鎰金，語商人言，此是龍金，用己更生（法苑珠林）。

⑤龍門

河津，一名龍門，水險不通，魚鼈之屬莫能上，上則為龍也（辛氏三秦記）。

⑥九色斑龍

王母乘紫雲之輦，又駕九色之斑龍（漢武帝內傳）。

⑦味兼龍羹
漢和帝元年大雨，有一青龍墮於宮中，帝命烹之，賜羣臣龍羹各一杯，李尤七命曰：味兼龍羹（任昉述異記）。

龍與禪（禪句）
①天眼龍睛。②四海浪平龍睡隱，九天雲靜鶴飛高。③收得驪龍一顆珠。④戲海擲龍摩天俊。⑤如龍得水，如虎靠山。⑥龍吟雲起，虎嘯風生。⑦龍無龍句，鳳無鳳章。⑧龍圖永固，玉葉彌芳。⑨龍吟初夜後，虎嘯五更前。⑩拄杖子化為龍，吞却乾坤了也。⑪登山則戮虎豹，入水則斬蛟龍。⑫俯據潛龍之淵，仰蔭栖鳳之林。⑬猛虎領下金鈴，蒼龍窟裏明珠。⑭寒山不語，拾得笑，跳出龍門，萬仞來。⑮豹披霧而變文，龍乘雷而換骨。禪林語句，雖然如是，但稱揚大事，却是開口不得，此中有真味，欲辯恐多言，請各自仔細味之。

郵政存簿儲金

- 一、利息優厚：年息七厘，按日計息，半年結算一次，併入本金生息。
- 二、免扣稅捐：利息免扣所得稅及一切稅捐。
- 三、安全穩妥：郵政擔保，安全可靠。
- 四、機構普遍：全省分支機構七百餘處，遍佈城市鄉村。
- 五、存提便利：手續簡便，辦理極為迅速。
- 六、營業時間：（一）每日自上午八時至下午五時。
（二）較大郵局延時營業至晚間八時或九時。
（三）星期六下午及星期、例假日上午照常營業。